



U AKCIJI "KURIR" PRIVEDENO VIŠE LICA ZBOG PRANJA I  
PREKO BANKOVNIH RAČUNA U HRVATSKOJ I KINI

# Prokrijumčarili 30 miliona KM

**Dragan SLADOJEVIĆ,**  
**Nataša TADIĆ**

**SARAJEVO** - Pripadnici Državne agencije za istrage i zaštitu (SIPA) i Uprave za indirektno oporezivanje (UIO) BiH sproveli su juče akciju "Kurir", usmjerenu protiv više kineskih državljana koji su, uz pomoć saučesnika iz BiH, u inostranstvo prokrijumčarili, odnosno iz BiH iznijeli najmanje 15 miliona evra (oko 30 miliona KM).

Budžet BiH na ovaj način oštetili su za više od tri miliona maraka, i to od avgusta prošle godine do ovog mjeseca.

Privredeno je više osoba, s tim što je planirano privođenje 20 lica na ispitivanje, i to držav-

ljana BiH, Hrvatske i Kine, koji su mjesecima praćeni.

Kriminalna grupa djelovala je na području "Arizona", Orašja, Brčko distrikta, Tuzle, Sarajeva, te u pojedinim mjestima u Hrvatskoj.

"Osumnjičenim osobama se stavlja na teret da su udruženo djelovali na način da su u više navrata iz BiH preko graničnog prelaza Orašje u Hrvatsku nelegalno prenosili novac u gotovini", saopšteno je iz SIPA.

Taj novac su polagali na račune otvorene u bankama u Hrvatskoj, a potom slali firmama i građanima na račune u bankama u Kini. Za taj novac potom je kupovana roba, koju su osumnjičeni zatim na crno prodava-

li u BiH.

"Ta roba je završavala u određenim magacinima i prodavana je na crno. Novac koji za to dobiju prebacivali su ilegalno u Hrvatsku i polagali u jednu banku. Iz te banke je kasnije završavao u Kini. Svi ti milioni su plod krivičnog djela", pojasnio je Mehmedalija Osmić, član Staba akcije "Kurir" iz Regionalnog ureda UIO Tuzla.

On, također, kaže da niko

**OSUMNJIČENI  
MJESECIMA  
PRACENI**

**BUDŽET BIH  
OŠTETILI ZA VIŠE  
OD TRI MILIONA**

MARAKA



Osmić: Milioni plod krivičnog djela

Pretrazeno najmanje 17 lokacija, a planirano je privođenje 20 lica, i to državljana BiH, Hrvatske i Kine



Novac u gotovini prenosili preko graničnog prelaza Orašje  
FOTO ARHIVA

## Pronađeni dokazi

► Više od 200.000 evra



► Oružje



► Dokumentacija



► Više vozila

